

## Sapiaray to Wina a Sowal

Matiya o cidal ko olah no ina, awaay ko 'idi, awaay ko tolas a midipot i titaanan. Ano awaay ko damsay a faloco' no ina i, edeng to a 'ingter ato podoh ko iraay i tini i hekal. Oarasaka, dengen to o olah ato sida'it no ina ko padihkoay to faloco' no tamdamdaw a ma'orip i tini i hekal.

Kami sasepat a malekaka, nani kasofocan tangsa anini, caay ho kasawad no ina a miditop. Itini i 'orip no niyam, ano talacowacowa to, talapicodadan to, ano adada to, caay pitolas ko ko olah no ina. Oya damsayay marokoyay a pising ningra ato ya makofelay a kamay nira, mitesek a matilid i faloco' aka, acaay ko mamapa:wan tahada'oc. O sakamatira no pising ato kamay no ina i, o roray niira a midipot pahafay i tiitaanan.

Yo kayoing ho ko tatirengan ningra, awaay ko pasaesa' ningra a matayal i loma', midipot, mipahafay, nipakafana' to maamaan to sakalatamdaw to wawa niira. Naw hatira to ko kinafalah niira to 'orip, o nanayno faloco' niira. Nanay awaay ko rawraw, awaay ko kihar no wawa ako a ma'orip sanay ko faloco' ningra. Matiniay a faloco' no ina haw i, maanen a mipano'ay. Orasaka, away to ko mikakaay to nikatadamaan no ina

i faloco' no mako.

Imatini mato'as to kita, caay ko piaray a cecay no mita to ina, nanay ngodoen ita ko ina ato mama, akaa pilalang to nafaloco'an no ina ato mama, sa'icelen ita a matayal. Aka ka pawan kita a palicay, ano eca, paddingwa to ina ato mama to romi'ami'ad. Caay ko pida, caay ko ma:an ko kalongocan no ina ato mama i titaanan, mato'as to caira, o tata'akay kalongocan naira i faloco' i, o licay ato piliso' no wawa i caira. Ano ma'araw naira kita, rihaday raheker ko faloco' naira. Matiraay ko faloco' no ina ato mama.

Matiniay to a 'orip no wawa, miliyas to niyaro' a tayra i maraayay a matayal, caay to kamati:ya i 'ayaway a ma'ara:w no ina ato mama ko tiring no wawa to romi'ami'ad. Hali'ilol to wawa caira. Orasaka, ano cilimaw kita haw i, nanay mararid kita o wawa a taloma' a miliso' i caira. O todong sapiaray no mita to nalacolan no ina ato mama.

(文章大意 僅供參考) ※字數限 200 字

### 對母親的感言

自從我們四個小孩出生之後，母親就沒有輕鬆過，每天細心照顧、關心我們，擔心我們的學業及健康，從沒喊過一聲累。她慈祥的面容，還有那雙粗糙的手深印我心，我永遠都不會忘記，母親是多麼辛勞地為我們付出。母親犧牲了她的青春，生下我、養育我，這份恩情，是怎麼也報答不完的，母親是天底下最偉大的人。

漸漸長大，心存感激，當個好孩子，不要辜負母親對自己的用心培育及期望。有空就多陪她或帶她出去走走，也算是給母親的禮物！